

EU4Youth კურსდამთავრებულთა ქსელი

განხორციელების ვადა: 01.01.2020 - 31.07.2023

EaP ქვეყნები:

აზერბაიჯანი, ბელარუსი, მოლდოვა, საქართველო, სომხეთი, უკრაინა

ევროკავშირის
წვლილი: € 311 000

განმახორციელებელი ორგანიზაცია (ებ):

EU4Youth Coordination and Support, SALTO Eastern Europe and Caucasus Resource Centre, EU Neighbours East

პროექტის
ვებსაიტები: salto-youth.net/rc/eeca/infocentres/alumni/
პროექტის აღწერა:

EU4Youth კურსდამთავრებულთა ქსელი აერთიანებს პროგრამების EU4Youth, Erasmus+ Youth in Action და ევროპის სოლიდარობის კორპუსის ახალგაზრდა ბენეფიციარებს, და ახალგაზრდა ევროპელი ელჩების ქსელს აღმოსავლეთ პარტნიორობის ქვეყნებიდან. კურსდამთავრებულთა ქსელის მიზანია არაფორმალურ საგანმანათლებლო მობილობის პროგრამებში მონაწილეობისას წარმოშობილი ენთუზიაზმის და მოხალისეობრივი მისწრაფებების მობილიზაცია, რათა ხელი შეუწყოს პარტნიორი ქვეყნების სოციალურად დაუცველი ახალგაზრდობის უფრო ინტენსიურად ჩართვას სათემო და ევროკავშირის მობილობის პროგრამებში.



სოციალური მედიის ანგარიშის ბმულები:

მოსალოდნელი შედეგები:

საწყის ეტაპზე, 2020-2021 წლებში, ქსელმა გააერთიანა 70 ახალგაზრდა, კერძოდ, აღმოსავლეთ პარტნიორობის თითოეული ქვეყნის 10 წარმომადგენელი და კიდევ 10 კურსდამთავრებული რუსეთიდან. აქტივობები მოიცავდა შემდეგს:

- საწყისი ეტაპის ტრენინგის კურსები: ქსელის თითოეულმა შერჩეულმა წევრმა მონაწილეობა მიიღო საწყისი ეტაპის ტრენინგის კურსებში ახალგაზრდობის საკითხებზე მომუშავეებისთვის (6-დღიანი კურსი) საქართველოში ან უკრაინაში.
- მენტორული მხარდაჭერა: კურსდამთავრებულებს მხარს უჭერდნენ ახალგაზრდობის საკითხებზე პროფესიულად მომუშავე მენტორები ტრენინგის კურსის დროს და კურსდამთავრებულთა ქსელის ამოქმედების პირველი წლის განმავლობაში. მენტორები ხელმძღვანელობდნენ კურსდამთავრებულთა სწავლის პროცესს და ადგილობრივი ინიციატივების განხორციელების პროცესს სოციალურად დაუცველი ახალგაზრდობის ჯგუფებისთვის.
- ადგილობრივი ინიციატივები სოციალურად დაუცველი ჯგუფებისთვის: თითოეული კურსდამთავრებული მიიწვიეს ადგილობრივი ინიციატივის შესამუშავებლად სოციალურად დაუცველი ახალგაზრდების ჯგუფებისთვის საკუთარ თემში. ინიციატივების განსახორციელებლად კურსდამთავრებულები ორ-ორად დაწყვილდნენ და მიიღეს ფინანსური, ადმინისტრაციული და მენტორის მხარდაჭერა ამ ინიციატივების განსახორციელებლად ცხრა თვის განმავლობაში.
- დასკვნითი შეფასების ღონისძიება: 2021 წელს კურსდამთავრებულებმა მონაწილეობა მიიღეს დასკვნითი შეფასების ღონისძიებაში, რომელზეც მათ ერთმანეთს და ფართო აუდიტორიას გაუზიარეს საკუთარი მიღწევები, გამოცდილება და შედეგები.